



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal nga Isyu  
Marso 12, 2006  
www.philippinerevolution.org

# Paglubad sang pila ka halambalanon sa malapad nga nagahiliugyong prente


Ni Prof. Jose Maria Sison  
Chief Political Consultant

National Democratic Front of the Philippines

**I**nteressante nga hatagan-atensyon ang pila ka halambalanon sa malapad nga nagahiliugyong prente kag kabublagang masa para patalsikon ang rehimeng Arroyo kag tinguhaon nga lubaron ang mga ini. Nabal-an na gid sang publiko ang mga problema nga ini. Masami nga pamangkot kon ngaa indi madali nga mapatalsik si Arroyo sa ligal kag di pwersahan nga paagi.

**1.** Ang halambalanon sang pagsiguro nga mapatalsik si Arroyo sa ligal kag di pwersahan nga paagi sa atubang sang iya determinasyon nga gumamit sang kalakasan batuk sa pumuluyo kag mga upisyal sang militar kag pulisya nga kontra sa iya pagkapungko bilang presidente bunga sang pagdinaya.

**Solusyon:** Wala sang iban nga paagi para mapat-ud ang ligal kag di pwersahan nga pagpatalsik sa rehimeng Arroyo kundi ang pagtilipon ng malapad nga nagahiliugyong prente sang mga patriyotiko, progresibo kag pwersang anti-Arroyo (mga koalisyon, partido pulitikal kag organisasyong masa) sang organisadong kusog sini kag pagpahulag sa



**I**ning espesyal nga isyu sang *Ang Bayan* nagaunod sang tatlo ka artikulo nga ginsulat ni Kaupod Jose Ma. Sison, tagapangulo nga tagpundar sang Komite Sentral sang PKP sadtong 1968 kag subong Chief Political Consultant sang National Democratic Front of the Philippines (NDFP). Nahanungod ang mga ini sa subong nga

sitwasyon pangpulitika, sa partikular sa padayon nga nagasingki nga pasistang atake sang rehimeng Arroyo batuk sa pumuluyo; kag sa mga paghimakas sang pumuluyong Pilipino batuk sa rehimeng Arroyo. Ginaplastar man ni Kaupod Sison ang iya mga panan-awan bahin sa nagabaskog nga ilig sang patriyotismo sa sulod

sang Armed Forces of the Philippines (AFP) kag ang pag-atubang diri sang mga rebolusyonaryong pwersa. Ginabuyok naton ang tanan nga tun-an sang mga sinulatan nga ini sa katuyuan nga mapatalom ang pag-analisa sa subong nga sitwasyon kag makabulig sa mga pagplano sa mga maabot nga panahon.

malapad nga masa sang pumuluyo para ipamilit ang ila desisyon, gamiton ang ila demokratikong mga kinamatarung kag engganyuhon ang militar kag mga pwersa sang reaksyunaryong gubyerno nga magdampig sa pumuluyo kag mag-atras sang suporta sa rehimen.

Manggaranon na ang inagihan sang pumuluyong Pilipino sa pagpangibabaw sa kalakasan nga ginapuntariya sang mga nagligad nga rehimen nanday Marcos kag Estrada paagi sang paggamit sa polisiya sang malapad nga nagahiliugyong prente, nga bukas sa pagpartisipar sang mga upisyal kag tinawo nga sibilyan kag militar sang reaksyunaryong gubyerno sa kahublagan para patalsikon ang nagaharing guban.

Madugay na nga ginakangil-aran sang malapad nga masa sang pumuluyo ang rehimeng Arroyo bangud sa pagdinaya sa eleksyon, korapsyon, pagsunod-sunod sa dumuluong nga interes, malala nga pagpanghimulos kag lapnagon nga paglapas sa tawhanong kinamatarung. Labaw nga mas nahamulag kag mahina ang rehimeng Arroyo kumparar sa pasistang rehimeng Marcos sadtong 1983-86 ukon sa rehimeng Estrada sadtong 1999-2001.

Nagsayup ini nga ipataw ang pasistang Presidential Proclamation 1017 sa pumuluyo kag pahugon sila sang pasistang diktadurya sa tunga sang bangkarote nga kahimtangan sang ekonomya, pulitika kag moralidad. Bisan pa man, nagapati ini nga makuha sini ang suporta sang US para sa ginpasanyog nga paggamit sini sang kalakasan kag pagpabilin sang kaugalingon sa poder kabaylo sang pagbag-o sang konstitusyon santo sa kontra-nasyunal kag kontrademokratiko nga mga dikta sang imperyalismong US.

Tuman kadali magsanlab ang sitwasyong pangpulitika. Ang kinahanglanon na lamang amo nga



himuon sang mga organisadong pwersa sang malapad nga nagahiliugyong prente ang tanan nga masarangan para tipunon ang ila kusog kag pahulagon ang pumuluyo para ipamilit ang ila kinamatarung magpahayag kag magtipon kag maghulag para patalsikon ang rehimen. Tuman kaayo sang mga obhetibong kundisyon para patalsikon ang rehimen. Kinahanglan na lang magpabaskog ang mga suhetibong pwersa kag pahulagon ang minilyon-milyon nga pumuluyo sa bug-os nga pungsod.

**2. Nahanungod sa problema sa nagkalain-lain nga plataporma ukon programa sang nagakalain-lain nga koalisyon, partido pulitikal kag organisasyong masa sa malapad nga nagahiliugyong prente.**

**Solusyon:** Mahimo maghiliusa ang nagkalain-lain nga pwersa sa malapad nga nagahiliugyong prente sa isa ka malip-ot kag isa ka pahina nga plataporma ukon programa nga nagaunod sang pinakaimportante nga basehang punto nga pwede nila maisahan. Mahimo nga mangin unod sang plataporma ukon programa ang masunod nga mga punto:

**a.** Bayluhan ang di lehitimo

kag imoral nga rehimeng Arroyo bangud sa pagdinaya sini sa eleksyon, pagpamuyong, pagluib sa banwa, paglapas sa tawhanong kinamatarung kag iban pa nga mabug-at nga krimen batuk sa pumuluyo.

**b.** Itib-ong ang pinakamataas nga kagamhanan sibilyan kag mga kahalwayan sibil kag pagbasura sa Presidential Proclamation 1017 kag tanan nga mapiguson nga bunga sini.

**c.** Pangapinan ang pungsodnon nga soberanya kag kahalwayan kag protektahan ang pungsodnon nga patrimonya.

**d.** Magpatuman sang matuod nga reporma sa duta kag pungsodnon nga industriyalisasyon kag nagtuga sang empleyo kag pangabuhian para sa pumuluyo.

**e.** Magtib-ong sang patri-yotiko, demokratiko kag syentipiko nga kultura sa kubay sang pamatan-on kag bilog nga pumuluyo.

**f.** Magpatuman sang independyente nga polisiya pangluwas para sa kalinong kag kauswagan kag magpasanyog sang pinakamalapit nga relasyon sa mga kaingod nga pungsod.

**g.** Padayunon ang negosasyon

pangkalinungan sa NDFP kag MILF kag agumon ang makatarungan kag pangmalawigan nga kalinungan paagi sang pagresolbar sa mga ugat sang armadong inaway.

**h.** Magbalay sang bag-o nga demokratikong konstitusyon kag maghiwat sang eleksyon sa sulod sang isa ka tuig pagkatapos mapatalsik ang rehimeng Arroyo.

**3.** *Bahin sa problema sang kawad-on sang isa ka lider nga magabulos kay Arroyo kag ang kaangot nga problema sang pagtukod sang nagasanto nga pormasyon kon sa diin mapaentra ang mga tiglawas sang tanan nga mayor nga pwersa (mga koalisyon, partido pulitikal kag organisasyong masa) nga signipikante nag-amot sa kahublagan para patalsikon si Arroyo.*

**Solusyon:** Indi gid man problema ang kawad-on sang isa ka lider para magbulos kay Arroyo. Ang malahalón amo ang pag-angkon sang malip-ot nga programa nga mahiliusahan kag pagtukod man sang mga pormasyon nga sa ulihi magamit sa pagpili sang prinsipal nga lider sa kubay sang kadamuan nga mga lider. Mahimo tukuron ang masunod nga mga pormasyon:

**a.** Ang Transition Council (pwe-de maggamit sang anuman nga kapareho nga ngalan nga nagapabutyag sa rebolusyonaryo, Patriyotiko ukon demokratiko nga kinaiya) ang pinakamataas nga pormasyon nga mahimo magbalay sang mga polisiya kag pilion sini ang Komiteng Tagapatuman. Ginalakipan ini sang mga tiglawas sang tanan nga mayor nga koalisyon, partido pulitikal, organisasyong masa kag grupo sang mga retiradong upisyal sang militar kag pulisya. Mahimo magaabot sa 100 tuhtub 200 ang numero sang mga myembro sini.

**b.** Ipatuman sang Komiteng Tagapatuman ang mga polisiya kag katungdanan nga ginadesisyunan sang Transition Council.

Pagadumalahan sini ang hili-kuton sang nagkain-lain nga mga subkomite nga nakatunod sa pila ka natalana nga katungdanan, lakip ang paghimo sang programa, reorganisasyon sang gubyrno kag iban pa. Ini ang probisyunal ng gabinete. Mahimo nga may 15-30 myembro ini.

**c.** Roundtable Council of Advisors nga ginalakipan sang mga anay presidente kag iban pa nga senyor nga personahe.

**d.** Unified Command nga ginalakipan sang mga tiglawas sang mga mayor nga grupo sang mga retirado kag aktibo nga upisyal militar kag pulisya. Mahimo ini nga maghayag sang husto pagkatapos mapa-talsik ang rehimeng Arroyo.

**4.** *Anano ang bunga sang paglawig sang pagpatalsik sa rehimeng Arroyo, partikular kon ang kalawigan bangud sa paggamit sang rehimen sang pamugong nga kalakasan batuk sa pumuluyo, partido sa oposiyon, organisasyong masa kag pati sa mga upisyal sang militar kag pulisya nga ginaspetsahan batuk sa rehimen?*

**a.** Mahimo nga sa ulihi, ang mga anti-Arroyo nga upisyal sang militar kag pulisya magagamit sang pamugong nga pwersa para patalsikon ang rehimen (kadungan sang nagadaku nga mga protestang masa ang pagpamilit nga patalsikon ang rehimen), bangud una sa tanan nagagamit sang kalakasan ang rehimeng Arroyo para mag-pabilin ang kaugalingon sa poder.

**b.** Magadalum kag magalubha pa ang krisis sang nagaharing sistema. Labi nga magatingkad ang posibilidad sang rebolusyonaryong pagbag-o samtang nagakaakig ang


malapad nga masa sang pumuluyo sa malawigan nga pagginahum sang terorismo kag kadalukon kag ginapamilit nila ang rebolusyonaryong pagbag-o. Pada-yon nga maga-lambo ang armadong rebolusyonaryong kahublagan kag magaangkon sang mga kadalagan sa pulitika kag militar sa kaum-han.

**c.** Masako ang rehimen sa pagtinguha nga maglawig sa pungsodnon nga kabisera. Ginapasulod sini ang mga pwersa militar kag pulisya para gwar-dyahan ang rehimen kag mga pasilidad sini sa mga syudad kag mga pangunahon nga linya sang transportasyon kag komunikasyon. Gani napanipis sang rehimen ang mga pwersa sini sa kaumhan.

Sa sining kahimtangan, labi nga makainisyatiba ang hangaway sang banwa sa paglunsar sang mga taktikal nga opensiba kag sa sini labing magabaskog kag magasulong.

**5.** *Makaligad mapatalsik ang rehi-meng Arroyo, indi ayhan mangibabaw ang pro-US nga Tuo sa bag-ong rehimen kag, upod ang mga paltik nga progresibo nga tagasunod nila mag-tinguha sila nga ipwera sa gubyrno ang mga patriyotiko kag progresibo nga ligal nga pwersa kag ihimutig ang papel sang pungsodnon-demokratikong kahublagan sa pagpatalsik kay Arroyo, pareho sa sadtong pagpatalsik kaday Marcos kag Estrada?*

Daku ang posibilidad nga ang pro-US nga Tuo mangingbabaw gihapon kag maghinakay sang mga paltik nga progresibo para padayon



nga samaron ang pungsodnon-demokratikong kahublagan. Ini bangud bilog pa gihapon ang makinarya nga burukratiko kag militar sang reaksyunaryong gub- yerno sa pihak sang pagpatalsik sa ultra-Tuo kag pasista nga naga- haring guban Arroyo kag sa pihak man sang pagtuhaw sang pro- gresibong kahublagan sa kubay sang mga tinawong sibilyan kag militar sang reaksyunaryong gub- yerno. Bisan pa man, dapat naton kilaahon ang pagtuhaw sang mga bag-o nga kahimtangan sa padayon nga nagaluto nga sitwasyon.

Ang malawigan nga krisis sang nagaharing sistema nagabot na sa punto nga ang mga anti-Arroyo nga

pwersa sa sulod sang sistema, lunsay sibilyan kag militar, dapat makigbuligay sang mas hayagan sangsa una sa pungsodnon-demo- kratikong kahublagan para patal- sikon ang rehimeng Arroyo kag makig-angot sa mga ligal, patri- yotiko kag progresibong pwersa sa isa ka bag-ong gubiyerno kon ang katuyuan nila nga magluntad ang relatibong estabilidad sa malip-ot nga panahon man lang.

Ang proseso sang pagpatalsik sa ultra-Tuo kag pasistang rehimeng Arroyo nakapabaskog lunsay sa ligal kag rebo- lusionaryong pwersa sang pung- sodnon-demokratikong kahublagan. Kadungan, hayag nga nagapakita

sang interes ang mga rebo- lusionaryong pwersa sa pagpa- kignegosasyon sa gubiyernong magabulos sa rehimeng Arroyo para sa makatarungan kag madugayan nga kalinungan paagi sa paglubad sa mga ugat sang armadong inaway.

Ugaling kon pagapilion sang bag-ong gubiyerno sa idalum sang bag-o nga nagaharing guban nga labi pang isulong ang armadong kontra-rebolusyon, maathag ang kahandaan sang mga rebo- lusionaryong pwersa sang pumuluyo nga isulong ang armadong rebo- lusion batuk sa nagaharing sistema nga naputos sa krisis kag maathag nga nagakaagnas. **AB**

## Padayon nga paghari sang kahadlok sa pihak sang pagbawi sa proklamasyon 1017

*Pahayag ni Prof. Jose Ma. Sison  
Marso 4, 2006*

**G**inbawi ni Gloria M. Arroyo ang Proclamation No. 1017 sa maathag nga tuyo nga mabalewala ang mga reklamo nga ginpasaka Korte Suprema sang reaksyunaryong gubiyerno sang Pilipinas batuk sa pagtapna sang iya rehimen sa mga demokratikong kinamatarung kag paggamit sang gahum sa layi militar nga wala nagasunod sa mga ginatalana sang konstitusyon pareho sang pagreport sa Kongreso kag pagkuha sang pagpasugot sini.



Mapaniplang ang ginatawag Procla- mation No. 1017 nga deklarasyon sang "state of national emergency" pero ang kinahanglanon nga bahin sini ginkopya halos sa Proclamation No. 1081 ni Marcos nga nagdeklarar sang layi militar. Paagi sa proklamasyon nga ini, gin-angkon ni Arroyo ang mga gahum sang layi militar.

Lakip diri ang gahum nga magpag- guwa sang mga dekreto kag mandu, isugo ang pag-aresto nga wala sang mandamyento halin sa korte, tapnaon ang kahilwayan mag-pahayag kag magtipon, bungkagon ang mga rali kag welga, kontrolon ang mga utilidad pangpubliko, ang masmidya kag iban pa nga negosyo nga ginasiling naka-

sandig ang "interes sang publiko" kag iban pa, na nangin bangdanan sa pagtapna sa kalakasan, rebelyon kag insu-reksyon.

Mismo si Arroyo kag iya mga puno nga upisyal sa kabinete kag sa pulis kag militar ang nag-anunsyo nga mahimo siya nga paliwat-liwat nga magpagguwa sang prokla- masyon nga may mapintas nga kaundan pareho sang Proclamation No. 1017. Ginpahambog man niya nga, may ara ukon wala prokla- masyon, mahimo nila ipatuman ang mga mapiguson nga tikang batuk sa pumuluyo kag malapad nga nagahiliugyong prente sang mga patriyotiko, progresibo kag iban pa nga pwersa nga nagabato sa rehimeng Arroyo.

Nakatindog ang Proclamation No. 1017 sa daku nga kabutigan nga may yara nga "coup conspiracy" sang mga "komunista" kag "adben- turistang militar" kag napaslawan nga tuyo nga kudeta sadtong Pebrero 24. Ang matuod amo nga

ginagamit sang rehimen ang proklamasyon agud unahan kag bungkagon ang mga aksyong masa bilang pagsaulog sa ika-20 anibersaryo sang pagkapukan sang pasista nga diktaduryang Marcos.

Nakapangulba ang rehimen nga pagatalikdan ini sang militar kag pulis pareho sa ginhimo nila sadtong Edsa 1 kag Edsa 2 kon pabay-an sini nga maglapad ang pagtilipon sang pumuluyo sadtong Pebrero 24. Wala sang kon ano nga gintuyo nga kudeta ang ano man nga grupo sang mga upisyal militar ukon pulis. Ang nagaharing hubon Arroyo amo ang nagahimo sang kudeta paagi sa pag-angkon sang mga gahum sang layi militar kag pagplapas sa mga gintakda sang konstitusyon bahin sa pag-aprubar kag superbisyon sini sang Kongreso kag bahin sa kakinahanglanon sang mga mandamyento para pag-aresto kag paghalughog.

Gindispalko ni Arroyo ang kaban sang banwa sa paglunsar sang isa ka kampanya pangpropaganda agud pagguwaon nga isa ka "*conspiracy*" sang mga komunista kag upisyal militar sang reaksyunaryong gubyerno ang konsensus kag aktibo nga pagtinguha sang tanan nga pwersa nga anti-Arroyo sa malapad nga nagahili-iugyong prente nga engganyuhon ang mga militar kag pulis nga talikdan ang rehimen indi para magkudeta par



sa kaugalingon nga lapas sa prinsipyo sang sibilyan nga pagpamuno.

Si Arroyo kag mga pangunahon niya nga kahimbon ang responsable sa paghimo sang estorya bahin sa *coup conspiracy* kag tuyo nga kudeta, sa pagtukod kag pagpatuman sang Proclamation No. 1017 kag sa paglapas sa mga demokratikong kinamatarung sang mga biktima sang proklamasyon, lakip ang mga raliyista nga brutal nga gin-atake kag yadtong gin-aresto nga wala mandamyento, ang anum nga kongresista nga nagaantos sang sobra-sobra nga harasment, pila ka pahayagan nga ginreyd kag ginhalughog agud pakugbaan ang masmidya, tanan ginpasakaan sang himu-himo nga kasong rebelyon, kudeta, iban pa.

Magapadayon si Arroyo sa pagpagguwa sang mga proklamasyon, dekreto kag mga kasuguan para tapnaon ang mga demokratikong kinamatarung kag lupigon ang pumuluyo sa pagtinguha sini nga padugayon ang ilehitimo kag imoral nga pagginahum kag ipamilit ang maluibon nga iskema nga *charter-change* sang magkabarkada Arroyo-Venecia. Katuyuan sang iskema nga ini nga koronahan sandig sa mga pang-ekonomya kag pangmilitar nga dikta sang US.

Ginpamilit ni Arroyo nga sundon ang duguon nga banas sang pasistang diktadurya kag terorismo sang estado. Antes pa man ang Proclamation No. 1017, sobra-sobra na ang mga paglapas sa tawhanong kinamatarung, ilabi na ang mga kampanya sang pagpamigos militar sa idalum sang Bantay Laya batuk sa masang anak-balhas sang mga mamumugon kag mangunguma. Tuman kadamo sang mga lider obreros kag

nguma, mga aktibista nga pamatanon kag kababaihan, mga nagapangapin sa tawhanong kinamatarung, mga pari kag pastor, mamamahayag, abugado, mga upisyal kag katapu sang mga progresibo nga *party-list* ang kinidnap, pinatay sa tortyur ukon ginluthang sa mga lugar pangpubliko sang mga *death squad* sang rehimenng Arroyo.

Halin 2001 hayagan nga ginasadag kag ginadayaw ni Arroyo ang pagginahum sang kahadlok kag madasig nga napasaka sa pusisyon sang militar kag pulis nga kilala nga *torturer* kag manugpatay-tawo. Magapadayon ang terorismo sang iya rehimen kag labi pa ini nga magataas, sa pihak sang pagbawi sa Proclamation No. 1017. Ini ginplano kag ginadiriher sang isa ka grupo sa kabinete nga nakatumod sa "national security", nga may suporta nga teknikal sang pangunahon nga mga upisyal sa nagkalain-lain nga ahensya paniktik. Ang mga duguong nga krimen sang nagadaku nga pasistang diktadurya nagaduso sa madamo nga pumuluyo nga magpasakup sa tago nga kahublagang rebolusyonaryo kag isulong ang armadong rebolusyon, suno sa mga rebolusyonaryong pahayagan.

Wala sang iban nga masilungan ang malapad nga masa sang pumuluyo kag ang malapad nga nagahiliugyong prente sang mga patriyotiko, progresibo kag iban pa nga pwersang anti-Arroyo kundi ang pasingkion pa gid ang ila mga aksyong masa kag buyukon ang mga sibilyan nga upisyal, militar kag pulis sang reaksyunaryong gubyerno nga talikdan ang pagginahum sang hubon Arroyo. Malauman naton nga magasingki pa ang kahublagang masa para patalsikon si Arroyo sa pungsodnon nga kabisera kag sa bilog nga pungsod sa mga masunod nga adlaw kag sinimana.

AB

# Interbyu kay Prof. Jose Ma. Sison

*Sinipi sa Interbyu kay Prof. Jose Ma. Sison ni Glenda Gloria, managing editor, Newsbreak Magazine  
Marso 6, 2006*

1) *Suno sa mga sorsa ko sa kahublagan sang mga rebeldeng suldado, naghiwat ang mga senyor nga lider sang RAM sang mga "panugod nga pagsugilanon" sa mga katapu sang Komite Sentral sang PKP pangunahon paano makatukod sang mas maayo nga sistema pangpulitika pagkatapos mapatalsik si GMA. Sang ulihi, nalab-ot nga nasugilananon didto--kon paano nga mapatalsik anay si GMA. Sa waay paghayag sang mga taktikal nga detalye, taktikal man ini ukon ini, sa ginasisigahum posible "progresibo" nga mga myembro sang Armed Forces....*

**JMS:** Sa panan-awan ko, indi lihis sa mga prinsipyo, estratehiya kag taktika sang rebolusyon kon makigsugilanon ang PKP sa ano man nga grupo sang mga retirado kag/ukon aktibo nga upisyal militar nga gusto makigbuligay sa malapad nga nagahiliugyong prente kag kahublagang masa sa pagpukan sa rehimeng Arroyo paagi sa pag-atras sang suporta militar sa rehimen ala-Edsa 1 kag 2 kag indi paagi sa kudeta militar agud magbutang sang diktador ukon hunta militar.

Mas maayo kon ang amo nga grupo sang mga retirado kag/ukon aktibo nga upisyal militar interesado man nga suportahan ang pagpadayon sang sugilanon pangkalinungan sang GRP kag NDFP nga himuon pagkatapos sang magabulos sa rehimeng Arroyo nga magatinguha atubangon ang mga ugat sang armadong banggianay paagi sang mga signipikanteng kasug-tanan sa mga signipikanteng reporma pangkatilingban, pang-ekonomya kag pangpulitika santo sa The Hague Joint Declaration kag baliskad sa napaslawan nga polisiya sang rehimeng Arroyo nga nagatuyo

himuon ang sugilanon pangkalinungan sa negosasyon sa pagpasurrender gamit ang ginatawag listahan sang mga terorista sang US kag European Union, amo man ang maduguon nga tikang nga mapigusun batuk sa mga ligal nga demokratikong pwersa para ipiton ang NDFP.

Sa ano pa man, ang sugilanon pangkalinungan sang GRP kag NDFP nga nagluntad halin pa sadtong dekada 1990 patimaan sang prinsipyado nga basehang pulitikal kag moral sang PKP para sa posible nga pakigsugilanon sa ano man nga grupo sang mga retirado kag/ukon aktibo nga upisyal militar. Base dira, wala sang malain kon makigsugilanon ang PKP sa mga senyor nga pinuno sang RAM, Makabayang Kawal Pilipino, YOU-YOUNg, sa mga grupo nga CNS ni General Abat ukon sa YES-ARMS ni Commodore Aparri.

Ang banat subong sang rehimeng Arroyo amo nga "nagahulid sa kaaway" ang Katipunan ng mga Anak ng Bayan kag ang MKP sa kuno pakigsugilanon sa mga komunista. Kon usisaon, sampal ini sa kaugalingon ni Arroyo bangud siya mismo nakigsugilanon sa mga komunista paagi sa sugilanon pangkalinungan. Pero wala pa siya sang may ginasiling nga naghulid siya sa mga komunista. Sa kama-tuoran, nagtuyo siya nga manulsol sang isterya nga anti-komunista sa sulod sang AFP kag PNP. Isa pa ini nga sablag sa pagpadayon sang pormal nga sugilanon pangkalinungan.

2) *Wala bala sang kontradiksyon sa mga komunista nga makigsugilanon sa mga rebelde militar? Ngaa maga-intertenar ang PKP nga magsugilanon sa mga rebelde*

*militar? Yara kamo sa magkatuhay nga pusisyon. Paano kamo maka-buyok sa tagsa-tagsa?*

**JMS:** Syempre, may kontra-diksyon. May rason nga magsiling nga sa pila ka basehan, ang PKP indi dapat makigsugilanon sa amo nga mga grupo. Yara ang matingkad nga kinatuhay sa ideolohiya kag ang ginasiling nga pagkaakig sa kada isa sang PKP kag sang amo nga mga grupo. Pero may mga pagbag-o sa kahimtangan nga nagaduso ukon nagahatag-dalan sa pila ka pagbag-o sa polisiya ukon sa mga kasug-tanan pangpulitika nga sadto imposible. Sa pulitika, pareho sa *physics*, ang magkatuhay nabuyok sa tagsa-tagsa, yara man sila sa kainitan sang inaway ukon nagahiliusa sa pila ka punto nga makabenepisyo sa pumuluyo.

Ginatublag subong ang kubay sang AFP kag PNP. Pat-ud, may mga upisyal nga maki-Arroyo kag anti-Arroyo nga lunsay man maki-US kag reaksyunaryo. Pero sa labing una nga kahigayunan, may mga signipikante na nga grupo subong sang mga patriyotiko kag progresibong upisyal militar nga batuk sa imperyalismong US kag pagkatuta sang GRP kag naghandum sang programa nga magalubad sa mga ugat sang armadong banggianay, salamat sa halimbawa nanday Lt. Crispin Tagamolila kag Capt. Rene Jarque.

Kadam-an sang mga ordinaryong suldado kag pulis narekrut sang AFP kag PNP sa kubay sang mga mamumugon, mangunguma kag iba pa nga imol. Wala na sila naluyag sa kagarukan sang rehimen kag mga loyalista nga upisyal sini kag sa makaluluoy nga kahimtangan sang ila pamilya kag yunit sa patag-

awayan. Dapat mo dumdumon nga ang una nga Pulang Hangaway naghalin sa hukbo sang Czar sa Russia. Si Chu Teh (Zhu De), hepe sang People's Liberation Army sang China, isa anay ka upisyal sang Northern Warlords. May iban pa nga halimbawa sang mga upisyal sang reaksyunaryong militar pareho nanday Col. Jacobo Arbenz Guzman sang Guatemala, Maj. Luis Carlos Prestes sang Brazil kag Hugo Chavez sang Venezuela nga nangin patriyotiko kag progresibo.

Si Chiang Kai-shek nagpang-masaker sang 300,000 komunista kag iban pa nga pumuluyo sa Shanghai sadtong dekada 1920. Pero sang sakupon sang Japan ang China sadtong dekada 1930, nagbilog sa isa ka prente ang mga komunistang Tsino kag ang Guomindang batuk sa mga pwersang Hapones. Gina-kunsiderar sang mga komunistang Tsino ang nagapangibabaw nga interes sang pungsod kag pumuluyong Tsino sa nagahiliugyong prente batuk sa imperyalismong Hapones.

Si Fidel V. Ramos, bilang puno nga heneral sang Philippine Constabulary, amo ang isa sa pinakakilala nga mga berdugo sang pasista nga rehimeng Marcos sa sulod sang malawig nga panahon. Pero sang talikdan niya si Marcos, ginkilala sang PKP bilang kabahin siya sang Edsa 1. Si Gen. Raymundo Jarque ginbaton sang NDFP sang ginbatuan na niya ang nagaharing sistema. Madamo nga upisyal kag tinawo ang naghalin sa AFP agud mangabuhi nga mga produktibong sibilyan ukon mag-entra sa

hangaway sang banwa.

Posible, kinahanglan kag nagakadapat makigsugilanon ang PKP sa mga anti-Arroyo nga grupong militar sa minimum nga basehan nga pagtinguha sa pagpatalsik kay Arroyo paagi sang pag-alsa sang pumuluyo kadungan sang pag-atras sang suporta militar, sandig sa prinsipyo sang soberanya sang banwa kag pinakamataas nga gahum sibilyan,....kag sa minimum amo nga magbuligay sa mga basehan nga patriyotiko kag progresibo sang kahublagan para patalsikon si Arroyo kag pagkatapos sini. Bisan pa man, sa lantaw ko mas madali para sa PKP nga makigsugilanon sa mga retirado kag aktibo nga upisyal militar nga patriyotiko kag progresibo kag tunay nga nagapamatuk sa pagkatuta, kagarukan, dinayaay sa eleksyon kag mga paglapas sa tawhanong kinamatarung.

3) *Nadumduman ko nga ang ABB-sanday Popoy kag Nilonakigsugilanon sa Young Officers Union sadtong dekada 1990. Aprubado bala ato sang Partido? Kon wala, ngaa? Ano ang katuyuan sang mga pagsugilanon nga ato, anano ang naagum didto? Anano ang mga leksyon nga nahalaw sa panahon nga ato?*


**JMS:** Wala ako sang nahibal-an nga mga pagsugilanon awtorisado sang PKP sa tunga sang ABB kag YOU sadtong dekada 1990. Ang maathag madumduman ko gid amo nga nagsurender si Popoy Lagman sa rehimeng Ramos paagi sa pila ka upisyal sang Philippine Navy sadtong 1994. Si Nilo de la Cruz naman nasiod sa lambat paniktik

sang ISAFP bangud ginluiban siya ni Arturo Tabara. Sa amo pa man, daw sa wala ini narasman ni Nilo.

Nagapati ako nga sadtong mag-updanay sa kulungan ang mga upisyal sang RAM kag YOU kag mga ginaspetsahan nga komunista sa sulod sang duha ka tuig sadtong dekada 1990, may bastante nga kahigayunan para magbayluhanay sang ideya kag panan-awan sa mga sandigan nga problema sang pungsod kag mga posibleng solusyon sandig sa paghimakas sang pumuluyo para sa pungsodnon nga kahilwayan kag demokrasya.

Sugod pa sadtong 1968 sang ako amo ang tagapangulo sang Komite Sentral sang PKP, permi nga ginahatagan sang atensyon sang PKP ang tago nga hilikuton sa reaksyunaryong hangaway bilang mayor nga trabaho. Ang mga pang-umpisa nga elemento nga nagtungod sang katunganan nga ini narekrut sang PKP halin sa isa ka yunit gerilya sadto sang USAFFE nga nakigbuligay sa Hukbalahap sadtong World War II amo man sa Philippine Military Academy kag mga upisyal sang ROTC sang UP Vanguard.

Ginlunsar sadtong 1970 ang Crispin Tagamolila Movement agud labi nga buyukon ang mga upisyal kag tinawo sang AFP nga magdampig sa pumuluyo kag sa ila rebolusyon. Ano man ang ranggo sang mga tinawo militar nga nabihag sang BHB ginatrato sang maalwan bilang pagsunod sa Geneva Conventions kag agud pamatud-an sa ila nga mainit sila nga ginabaton kon gusto nila magdampig sa pumuluyo. AB



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Marso 12, 2006  
www.philippinerevolution.org

# Paglutas sa ilang usapin sa malawak na nagkakaisang prente at kilusang masa para patalsikin ang rehimeng Arroyo


Ni Prof. Jose Maria Sison  
Chief Political Consultant

National Democratic Front of the Philippines

**I**nteressante nga hatagan-atensyon ang pila ka halambalanon sa malapad nga nagahiliugyong prente kag kabublagang masa para patalsikon ang rehimeng Arroyo kag tinguhaon nga lubaron ang mga ini. Nabal-an na gid sang publiko ang mga problema nga ini. Masami nga pamangkot kon ngaa indi madali nga mapatalsik si Arroyo sa ligal kag di pwersahan nga paagi.

**1.** Ang halambalanon sang pagsiguro nga mapatalsik si Arroyo sa ligal kag di pwersahan nga paagi sa atubang sang iya determinasyon nga gumamit sang kalakasan batuk sa pumuluyo kag mga upisyal sang militar kag pulisya nga kontra sa iya pagkapungko bilang presidente bunga sang pagdinaya.

**Solusyon:** Wala sang iban nga paagi para mapat-ud ang ligal kag di pwersahan nga pagpatalsik sa rehimeng Arroyo kundi ang pagtilipon ng malapad nga nagahiliugyong prente sang mga patriyotiko, progresibo kag pwersang anti-Arroyo (mga koalisyon, partido pulitikal kag organisasyong masa) sang organisadong kusog sini kag pagpahulag sa



**I**ning espesyal nga isyu sang *Ang Bayan* nagaunod sang tatlo ka artikulo nga ginsulat ni Kaupod Jose Ma. Sison, tagapangulo nga tagpundar sang Komite Sentral sang PKP sadtong 1968 kag subong Chief Political Consultant sang National Democratic Front of the Philippines (NDFP). Nahanungod ang mga ini sa subong nga

sitwasyon pangpulitika, sa partikular sa padayon nga nagasingki nga pasistang atake sang rehimeng Arroyo batuk sa pumuluyo; kag sa mga paghimakas sang pumuluyong Pilipino batuk sa rehimeng Arroyo. Ginaplastar man ni Kaupod Sison ang iya mga panan-awan bahin sa nagabaskog nga ilig sang patriyotismo sa sulod

sang Armed Forces of the Philippines (AFP) kag ang pag-atubang diri sang mga rebolusyonaryong pwersa. Ginabuyok naton ang tanan nga tun-an sang mga sinulatan nga ini sa katuyuan nga mapatalom ang pag-analisa sa subong nga sitwasyon kag makabulig sa mga pagplano sa mga maabot nga panahon.



## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa [angbayan@yahoo.com](mailto:angbayan@yahoo.com)